

**Gipuzkoako
Aldizkari
Ofiziala**



**Boletín
Oficial de
Gipuzkoa**

84

2022ko maiatzaren 5a, osteguna

1

GIPUZKOAKO LURRALDE HISTORIKOKO XEDAPEN OROKORRAK

GIPUZKOAKO FORU ALDUNDIA

OGASUN ETA FINANTZA DEPARTAMENTUA

243/2022 Foru Agindua, maiatzaren 3koa, gasolio profesionalaren kontsumoarengatik hidrokarburoen gaineko zerga partzialki itzultzeko prozedura ezartzen duena.

Zerga Berezien abenduaren 28ko 38/1992 Legearen 52 bis artikulua hidrokarburoen gaineko zergaren itzulketa partziala arautzen du erabilera profesionaleko gasolioaren kontsumoari dagokionez. Bertan ezartzen denez, lege horren 2. apartatuan aipatzen diren ibilgailuen titularrek, baldin eta apartatu horretan ezarritako baldintzak betetzen badituzte, eskubidea izango dute ordaindutako edo jasanadako hidrokarburoen gaineko zergaren itzulketa partziala jasotzeko, ibilgailu horien motorrean erregai gisa erabili den erabilera orokorreko gasolioari dagokionez.

Itzulketa ibilgailu hauen kasuan aplikatzen da: merkantziak errepidez garraiatzeko soilik erabiltzen diren motordun ibilgailuak edo akoplaturiko ibilgailu multzoak, garraio hori inoren edo norberaren kontura egiten denean eta ibilgailuen gehieneko pisu baimendua 7,5 tonakoa edo hortik gorakoa denean; bidaiariak modu erregularrean zein noizbehinkakoan garraiatzeko erabiltzen diren motordun ibilgailuak, Kontseiluaren 1970eko otsailaren 6ko 70/156/EEE Zuzentarauan ezarritako m² edo m³ kategorietan sartzen direnak (estatu kideen legeriak hurbiltzeari buruzko zuzentaraua, motordun ibilgailuen eta haien atoiaren homologazioari dagokionez); eta taxiak. Ondorio horietarako, taxitzat hartzen da udal lizentziapean eta taximetroaz hornituta bidaiariaren zerbitzu publikora bideratuta dagoen turismoa.

Itzulketaren oinarria izango da interesdunak erosi duen eta aipatutako ibilgailuetan erregai gisa erabili duen gasolio bolumena. Hala kalkulatzen den oinarria mila litrotan adieraziko da.

Aipatutako 52 bis artikulua 7. apartatuak xedatzen duenez, itzulketarako prozedura ordenaren arabera ezarriko da, eta, besteak beste, honako alderdi hauek jaso ahal izango ditu: interesdunek erregistro espezifikoko batean inskribatzeko duten betebeharra eta itzulketaren kudeaketarako eta egiaztapenerako garrantziak diren beren jarduerari buruzko zerga aitortpenak aurkezteko duten betebeharra; interesdunek ordainbide espezifikoak erabiltzeko duten betebeharra; eta, azkenik, ordainbide espezifikoak horiek ematen dituzten entitateek eta haiek onartzen dituzten saltzaileek Zerga Administrazioari itzulketaren erabiltzaileek haiek erabili izanaren informazioa emateko duten betebeharra.

Euskal Autonomia Erkidegoak indarrean duen Ekonomia Itunak, maiatzaren 23ko 12/2002 Legearen bidez onartuak, 33. artikuluan ezartzen duenez, Zerga Bereziak itundutako tributuko dirak, Estatuak une bakoitzean ezartzen dituen edukizko eta formazko arau berberei jarraituta erregulatuko direnak. Artikulu horretan jasotzen denez, haien sortzapena Euskal Autonomia Erkidegoan gertatzen denean, foru aldundiek ordainaraziko dituzte zerga bereziak. Era berean, ezartzen du ezen lurralde historikoetako erakunde eskudunek eskumena izango dutela aitorten eta ordainketa ereduak onartzeko eta likidazioaldi bakoitzaren ordainketa epeak ezartzeko. Baina eredu horietako datuak, gutxienez, lurralde erkidean erabiltzen diren berberak izan behar dira; eta epe horiek, berriz, ezin dira izan Estatu Administrazioak ezarritakoez oso bestelakoak.

Hortaz, itzulketa horiek egiteko prozedura ezarri behar da.

Hori dela eta, honako hau

XEDATU DUT

1. artikulua. Aplikazio eremua.

1. Gipuzkoako Foru Aldundiko Ogasun eta Finantza Departamentuak eskumena izango du Zerga Berezien abenduaren 28ko 38/1992 Legearen 52 bis artikulua 7.a) apartatuan aipatzen den gasolio profesionalaren onuradunen erroldan alta, baja eta aldaketa egiteko aitortpenak izapidetzeko, honako kasu hauetan:
 - a) Onuradunak Espainian egoiliarak badira, zerga helbidea Gipuzkoan dutenean Ekonomia Itunean ezarritako arauen arabera.
 - b) Onuradunak ez badira Espainian egoiliarak eta egoitza edo establezimendu iraunkorra Europar Batasuneko beste estatu batean badute, identifikazio fiskaleko zenbakia lortzeko izapideak Foru Aldundiari dagozkionean eta izendaturiko

ordezkari fiskalaren zerga helbidea Gipuzkoan dagoenean.

2. Norberaren kontsumoko instalazioetako gasolio profesionalaren horniduren zerrenda Ogasun eta Finantza Departamentuari aurkeztuko zaio, hark zerga itzuli dezan, establezimenduaren titularrak egoitza fiskala Gipuzkoan duenean.
3. Erroldatutako ibilgailu bakoitzak urtean egindako kilometro kopuruaren urteko aitorpena Ogasun eta Finantza Departamentuari aurkeztuko zaio, itzultzeko eskubidea duen onuraduna Gipuzkoako erroldan inskribatuta dagoenean.

2. artikulua. Definizioak.

Foru agindu honen ondorioetarako, definizio hauek ezarri dira:

1. «Itzulketaren oinarria». Itzulketa tasa aplikatuko zaion itzulketaren oinarria izango da interesdunak erositako gasolio bolumena, baimendutako ibilgailuetan erregai gisa erabiltzekoa, mila litrokotan adierazita.
2. «Gasolio profesionalaren ondorioz itzulketak jasotzen dituzten onuradunen eta euren ibilgailuen errolda». Zerga Berezien abenduaren 28ko 38/1992 Legearen 52 bis.2 artikuluan aipatzen den hidrokarburoen gaineko zergaren zati bat itzultzeko eskubidea duten ibilgailuen titularren errolda da.
3. «Gasolio profesionalaren norbere kontsumorako instalazioen errolda». Artikulu honetako 9. apartatuan aipatzen diren instalazioen errolda da.
4. «Txikizkako identifikazio kodea».
 - a) Txikizkako saltzailearen identifikazio kodea (aurrerantzean, TSK), ondoren ezartzen den moduan konfiguratuta, jarduera eta establezimendu jakin batzuk identifikatzen dituena, zeinetan gasolioaren txikizkako hornidurak gertatzen diren, Zerga Berezien abenduaren 28ko 38/1992 Legearen 52 bis artikuluan aitortutako itzulketa eskubidea sor dezaketanak.
 - b) Kodeak zortzi karaktere izango ditu, honela banatuta:
 - * Lurralde erregistroan inskripzioa egiten den bulego kudeatzailea identifikatzen duten bi digitu.
 - * Establezimenduan egiten den jarduera identifikatzen duten bi karaktere, honako hauen artean:

- ES: erregai zerbitzuguneak.
 - CP: norberaren kontsumorako establezimenduak.
 - SU: hornitzaileak.
 - VM: publikoarentzako txikizkako salmentarako gainerako establezimenduak.
- * Hiru karaktere alfanumeriko.
- * Kontrol letra bat.
5. «Itzulketaren gehieneko zenbatekoa». Artikulu honetako 1. apartatuan definitutako itzulketaren oinarriekin bat eginez, gehienez ere 50.000 litroko kontsumoari dagokiona, ibilgailu eta urte bakoitzeko. Taxien kasuan, itzulketaren gehieneko zenbatekoa ez da 5.000 litrokoa baino handiago izango taxi eta urte bakoitzeko.
 6. «Itzuli beharreko kuota». Zerga Berezien abenduaren 28ko 38/1992 Legearen 52 bis.6 artikuluan jasotakoaren arabera aplikatu beharreko tasak itzulketaren oinarriari aplikatuz ateratzen diren kuota.
 7. «Entitate emailea». Ordainbideak emateari buruzko araudia betez eta zerga Administrazioak aldeaz aurretik baimendurik, gasolio profesionalerako txartela ematen duen pertsona edo entitatea da.
 8. «Gasolio profesionala». Artikulu honetako 16. apartatuan aipatzen diren ibilgailu baimenduek erabiltzen duten erabilera orokorreko gasolioa da, baita bioerregaiekin nahasturik dagoenean ere.
 9. «Norbere kontsumorako instalazioa». Erabilera orokorreko gasolioa jasotzen duen establezimendua, ondoko honetarako bakarrik baimenduta dagoena: erregaia Jarduera eta Establezimendu Kodearen kontura jasotzeko (aurrerantzean JEK) eta norbere kontsumorako instalazioen titularraren ibilgailuak instalazio berean hornitzeko. Norbere kontsumorako instalazioak uztailearen 7ko 1165/1995 Errege Dekretuak, Zerga Berezien Erregelamendua onartzen duenak, 40. artikuluan aipatzen duen erregistroan inskribatu behar dira.
 10. «Txikizkako saltokia». Erabilera orokorreko gasolioa jendeari saldu eta zuzenean kontsumitzeko instalazio finkoak dituen establezimendua, horretan aritzeko baimenduta dagoena petrolio produktuen merkataritza arloan indarrean dagoen araudiari jarraikiz.
 11. «Erreferentzia aldia». Hiruhilabete naturala.
 12. «Gasolio profesionalerako txartela». Zordunketa, kreditu edo erosketa txartela da, zerga Administrazioak itzulketaren xede den gasolio erosketaren berariazko ordainbide gisa baimendu duena. Bertan adierazten den ibilgailu

- baimendua hornitzeko bakarrik balio du. Txartelak «gasolio profesionala» esapidea erakutsiko du ongi ikusteko moduan.
13. «Erregai mota». Foru agindu honi jarraituz establezimenduek eman beharreko informazioaren ondorioetarako eta horniduren zerrendei begira, «erregai mota» hiru digituz identifikatuko da. Digitu horiek erregaiaren biodiesel portzentajea adieraziko dute, eta portzentaje hori unitatera biribilduko da bolumenean 100eko 7tik gorakoa denean.
 14. «Itzulketa tasak». Zerga Berezien abenduaren 28ko 38/1992 Legearen 52 bis.6.a) artikuluan jasotako tasak izango dira.
 15. «Ibilgailu baimenduaren titularra». Foru agindu honen ondorioetarako, ibilgailu baimenduaren titularra garraio alorreko agintari eskudunen erregistroetan ageri den pertsona edo entitatea izango da edo, horrelakorik ezean, trafiko, bide segurtasun eta ibilgailu motordunen zirkulazioaren arloan eskumena duten agintarien erregistroetan ageri dena, dagokionaren arabera.
 16. «Ibilgailu baimendua». Baimendutako ibilgailutzat hartuko dira Zerga Berezien abenduaren 28ko 38/1992 Legearen 52 bis.2 artikuluan jarritako baldintzak betetzen dituzten ibilgailuak, hidrokarburoen gaineko zerga itzultzeari dagokionez.
3. *artikulua. Gasolio profesionalaren ondorioz itzulketak jasotzen dituzten onuradunen eta euren ibilgailuen errolda.*
1. Ibilgailuen titular guztiei foru agindu honetan aipatzen diren itzulketa jasotzeko eskubidea aitortzen zaie, baldin eta, ibilgailuen motorretan gasolio profesionala kontsumitu aurretik, itzulketaren erroldan onuradunen erroldan inskribaturik badaude.
 2. Errolda horretan izena emateko, eskaera bat aurkeztu beharko da.
- Ekainaren 28ko 320/2017 Foru Aginduan xedatutakoaren arabera (Gipuzkoako Lurralde Historikoko Foru Zerga Administrazioarekin bitarteko elektronikoen bidez erlazioatzeko betebeharra arautzen duena), interesdunek bitarteko elektronikoen bidez izan behar dituzte harremanak Zerga Administrazioarekin, Internet bidez, Gipuzkoako Foru Aldundiaren egoitza elektronikotik eta Ogasun eta Finantza Departamentuaren webgunetik. Aurkezpen hori foru-agindu horretan aurreikusitako baldintzen eta prozeduraren arabera egingo da.

Betebehar horren mende ez dauden interesdunek bitarteko elektronikoen bidez edo paper-euskarriaren bidez aurkeztu ahal izango dute eskabidea. Paperezko euskarria foru agindu honetan eranskin gisa erantsi den formatura egokitu beharko da.

Eskaera horretan datu hauek jasoko dira:

- a) Eskatzailearen identifikazio fiskaleko zenbakia (IFZ). Ez-egoiliarren kasuan, itzulketaren titularraren ordezkari fiskalaren IFZ.
- b) Eskatzailearen izena edo izen soziala eta helbide fiskala.
- c) Jardueraren hasiera-data edo, hala badagokio, haren baja-data.
- d) Finantza entitatearen identifikazioa, eta itzulketak transferitzeko erabiliko den bankuko kontuaren kodearen identifikazioa, IBAN formatukoa. Nazioarteko kontu korranteak izanez gero, SWIFT kodea jarriko da.
- e) Gasolio profesionala kontsumitzen den ibilgailu bakoitzeko, datu hauek:
 - 1.a. Ibilgailuaren matrikula.
 - 2.a. Europar Batasuneko matrikulazio herrialdea.
 - 3.a. Ibilgailuaren jarduera noiz hasi zen edo, hala badagokio, noiz eten zen.
 - 4.a. Ibilgailuaren baimendutako gehieneko pisua.
 - 5.a. Merkantziak garraiatzeko diren eta matrikula espainiarra duten ibilgailuetan, araudian garraio txartela exijitzen bada, txartelaren zenbakia jarriko da.
 - 6.a. Merkantziak garraiatzeko ibilgailuak Espainian matrikulatuta daudenean eta araudian «enpresa baimena» edukitzea exijitzen dienean, haren zenbakia adieraziko da.
 - 7.a. Administrazio baimenik ez duten autotaxien kasuan, baimen horren ordezkari, udal lizentziaren zenbakia eta haren udalerrria jarriko dira.
 - 8.a. Europar Batasuneko gainerako herrialdeetan matrikulatutako ibilgailuetan, egoitza estatuko araudian garraio jarduera egiteko administrazio baimena exijitzen dienean, baimen horren zenbakia eta baimena eman duen organismoaren izena jasoko dira.

3. Aurkezten diren eskaerei erregistroko zenbaki bat emango zaie, eta aurreko 2. apartatuan aipatu diren datuak behin bete ondoren, onuradunen erroldan inskribatuko dira, hala badagokie. Bestela, atzera botako dira behar bezala arazoituta.

4. Hasierako eskaeran adierazitako datuak edo bertan aipatutako agirietakoak aldatu nahi izanez gero, aldaketa paperean zein internet bidez aurkeztuko beharko da. Modu horretan ere jakinaraziko da itzulketarako eskubidea sortzen duen jarduera uzten dela edo jarduera horretan aritzeko ibilgailuak erabileraz kanpo geratu direla.

Ogasun eta Finantza Departamentuak ofizioz jardun ahal izango du inskribatutako onuradunen eta ibilgailuen erroldan zerbait aldatu edo baja emateari dagokionez.

4. artikulua. Gasolio profesionaleko txartelak baimentzea.

1. Zerga Administrazioak baimendu beharko ditu gasolio profesionaleko txartelak, betiere zergen itzulketaren xede den gasolioa erosi eta ordaintzeko berariazko baliabide gisa erabili daitezzen. Horretarako, entitate emalleek eskatu behar dute gasolio profesionaleko txartelak txartelen erregistroan inskribatzeko, eta baimen zenbaki bat emango zaie Zerga Administrazioarekiko harremanetan erabiltzeko. Inskripzio hori baimena izango da entitate berak merkataritza izen berberekin ematen dituen txartel guztietarako.

2. Eskaerak datu hauek jasoko ditu gutxienez:

- a) Identifikazio fiskaleko zenbakia (IFZ).
 - b) Entitateak ez badira Espainian egoiliarak, EBko beste estatu batean egoitza edo establezimendu iraunkorra badute eta Espainian helbideratutako ordezkaria badute, entitateak Espainian duen ordezkariaren IFZ.
 - c) Txartelaren merkataritza izena.
3. Baimenak balioa izan dezan, gasolio profesionaleko txartelak eta berau kudeatzeko eta bere erabilera kontrolatzeko sistemak baldintza hauek bete beharko dituzte:

a) Gasolio profesionaleko txartela ibilgailu baimenduaren titularraren izenean eman beharko da, eta bertan titularraren izena edo sozietate izena eta ibilgailu baimenduaren matrikula agertu beharko dira.

Txartel hori Europar Batasunean egoiliarak diren pertsona edo entitateen izenean emango da, barruko lurralde esparrukoak aparte utzita, betiere azken horretan establezimendu iraunkorrik ez badute eta aldeaz aurretik erroldaturiko ibilgailu baten titularrak badira.

- b) Txartela ematen duen entitateak kudeaketa sistema bat ezarri beharko du gasolio profesionaleko txartelarekin abonuaren kontra eginiko horniduren zerrendak aurkezteko, foru agindu honen 6.1 artikuluan xedatutako eran.
- c) Gasolio profesionaleko txartelak ematen dituzten entitateek haiak baimentzeko obligazioak betetzen ez dituztenean, Zerga Administrazioak baliorik gabe utzi ahal izango du txartelen baimena, artikuluko honen 1. apartatuan aipatua.

5. artikulua. Gasolio txikizkako saltokietan hornitzea.

Ibilgailu baimenduek txikizkako saltokietan egiten dutenean gasolio horniketa, zergen itzulketa aitortu eta gauzatu ahal izateko ezinbestekoa izango da saltoki horietan hornitutako gasolioa gasolio profesionaleko txartelaren bidez ordaintzea.

Ondorio horietarako, ulertzen da onuradunek txartel hori gasolioa ordaintzeko erabiltzea itzulketa eskatzeko aurkeztu den zerga aitortpena dela.

Gasolio profesionaleko txartela ordainbide gisa onartzen duten instalazioen titularrak behartuta egongo dira txartelak ematen dituzten entitateei foru agindu honen 5. artikuluko b), c), d), e), f) eta g) letretan aipatzen den informazioa adieraztera erreferentzia aldi bakoitzean eginiko hornidura bakoitzari buruz.

6. artikulua. Itzulketarako eskubidea duten horniduren zerrenda.

Txartelak ematen dituzten entitateek horniduren informazioa helaraziko diote Zerga Administrazioari, hornidurak egin eta astebeteko epean. Behar bezala justifikatutako anomalia teknikoek eragindako ezohiko zirkunstantzien kasuan, epe hori hilaftera luzatu ahal izango da. Informazioa bidaltzeko, Ogasun eta Finantza Departamentuak ezartzen dituen zehaztapen teknikoak bete beharko dira. Zehaztapen horiek aipatutako departamentuaren webgunean eskura daitezke.

Txartelak ematen dituzten entitateek, haietariko bakoitzarengatik, honako hau adierazi beharko dute hornidura bakoitzerako:

- a) Egindako hornidura islatzen duen kontabilitateko erregistroaren banakako identifikadorea edo, hala bada, eginiko doiketa positibo edo negatiboarena.

- b) Zer txikizkako saltzaileraren kontura egiten den hornidura. Txikizkako Saltzailearen Identifikazio Kodea adieraziko da (aurrerantzean TSK).
- c) Ibilgailu baimenduaren matrikula.
- d) Titularraren identifikazio fiskaleko zenbakia (IFZ).
- e) Horniduraren data eta ordua.
- f) Hornituriko erregai litroak.
- g) Erregai mota, baldin eta aplikatzekoa bada urtarilaren 31ko 61/2006 Errege Dekretuak, gasolinaren, gasolioaren, fuelolioaren eta petrolioaren gas likidotuaren zehaztapenak ezarri eta bioerregai batzuen erabilera eta itsas erabilerrako erregaiei sufre edukia arautzeakoak, 8.4 artikuluan xedatutakoa. Erregai mota hori foru agindu honen 2. artikuluko 13. apartatuan ezarritakoari jarraikiz adieraziko da.

7. artikulua. Gasolioa norbere kontsumorako instalazioetan hornitzea.

Norbere kontsumorako instalazioen titularrak foru agindu honen 3. artikuluan aipatutako erroldan sarturik badaude eta instalazio horietan horniketa leku bat baldin badute erositako gasolioaren kontsumo propiorako, foru agindu honen 2. artikuluko 9. apartatuan jasotako eran, honako baldintzak bete beharko dituzte itzuliketa lortzeko:

1.a. Establezimendua Gipuzkoan badago, Ogasun eta Finantza Departamentuaren erregistroan inskribatzea, Zerga Berezien Erregelamendua onartzen duen uztailaren 7ko 1165/1995 Errege Dekretuak 40. eta 41. artikuluetan ezarritakoari jarraikiz.

2.a. Kontabilitate sistema informatiko bat edukitzea, salmenta aparatuekin integratua, Ogasun eta Finantza Departamenduak onetsia, instalazioa Gipuzkoan dagoenean. Kontabilitate horrek instalazioetan jasotako gasolioaren mugimendua adierazi beharko du, eta baliagarria izan beharko du hornidura bakoitzaren datu zehatzak lortzeko, foru agindu honen 6. artikuluan ezartzen denaren arabera. Txikizkako identifikazio kodea (TSK) aipatu beharrean, jarduera eta establezimendu kodea (JEK) jarriko da. Kontabilitate sistema horrek gutxienez datu hauek jaso beharko ditu:

a) Karguan adieraziko da erabilera orokorreko zenbat gasolio jaso den une bakoitzean eta zein datatan jaso den. Era berean, hornitzailearen izena edo sozietate izena eta haren IFZ edo, kasua baliatuz, JEK kodea ere jarriko dira. Orobat, erabilera orokorreko gasolioaren zirkulazioa norbere kontsumorako instalazioraino lagundu duen zirkulazio agiriaren erreferentzia ere adieraziko da.

b) Datan instalazioaren titularraren ibilgailu baimenduei egindako hornidurak edo depositu-betetze guztiak idatziko dira, haien matrikula eta foru agindu honen 6. artikuluan aipatzen diren bestelako datuak ere adierazita. Hori bai, TSK

kodearen orde z norbere kontsumorako instalazioari dagokion JEK kodea jarriko da.

3. Mota honetako instalazioen titularrek erreferentzia aldi bakoitza amaitu ondorengo hogeita bost eguneko epean aurkeztuko dute horniduren zerrenda, internet bidez.

8. *artikulua.* *Norbere kontsumorako instalazioetan egindako gasolio horniduren zerrenda: formatu elektronikoa eta zerrenda hori bide telematikoz aurkezteko prozedura onartzea.*

1. Onarturik geratzen da «Norbere kontsumorako instalazioetan egindako gasolio horniduren zerrenda» izeneko formatu elektronikoa, instalazio horien onuradun titularrek egindakoa.

2. Aurreko apartatuan aipatutako zerrenden aurkezpen telematikoa prozedura honi jarraituz egingo da:

a) «Norberaren kontsumorako gasolioarengatiko itzulketa-SCP eredua» aurkeztu beharko da Zergabidea web plataformaren bidez Idazkiak erlaitzean, Zeharkako Zergen, Eskualdaketan gaineko Zergen eta Ingurumen Tributuen Zerbitzura zuzenduta. Horretarako, gasolio horniduren zerrenda jasotzen duen fitxategia aurkeztuko da formatu elektronikoan. Idazkian honako datu hauek jaso beharko dira:

1.a. IFZ: 9 karaktere.

2.a. Zerga ekitaldia: zerrenda egiteko aintzat hartzen den urteko lau zifrak.

3.a. Epealdia: 3 karaktere (zenbaki bat hilabetea adierazteko, eta gero M letra).

b) Egindako hornidura bakoitzeko, foru agindu honen 6. artikuluan aipatzen den informazioa aurkeztuko da, TSK kodea izan ezik, haren orde z norbere kontsumorako instalazioari dagokion JEK kodea jarriko baita.

c) Ondoren, zerrenda igorriko da nabigatzailean alde z aurretik instalatutako ziurtagiria aukeratzean sorturiko sinadura digitala erabiliz.

d) Aurkezleak baimena baldin badu zerrendak hirugarren pertsonen ordezkari gisa aurkezteko, sinadura bakarra beharko da, ziurtagiriari dagokiona.

9. *artikulua.* *Egindako horniduren kuotak itzultzea.*

1. Hilabete natural bakoitzaren amaieran, eta aurkeztutako zerrendak aintzat hartuta, Ogasun eta Finantza Departamentuak kuotak itzultzea erabakiko du, bidezkoa iritzi z gero, onuradunak erroldan inskribatzeko eskaeran

adierazitako banku kontura transferituta.

2. Itzulketa kalkulatzeke, hornidura egin den egunean indarrean dauden itzulketa tasak aplikatuko dira.

10. artikulua. Onuradunen betebeharrak.

1. Itzulketarako eskubidea duen onuradunak urteko aitorten bat aurkeztu behariko dio Ogasun eta Finantza Departamentuari, honek aurrez erabakitako moduan, urte naturala amaitu ondorengo lehen hogeita bost egunen barruan. Aitorten horretan adierazi behariko da zenbat kilometro egin dituen aitortzen den urteko urtarrilaren 1era arte eta abenduaren 31ra arte, aurreko urtean onuradunen erroldan inskribatuta izan den bere titularitateko ibilgailu bakoitzak. Takografoa erabili behar duten ibilgailuetan hortik lortuko da datu hori.

2. Ibilgailuak ez badira izan onuradunen jabetzakoak ekitaldi oso batean, zerrenda hori bakarrik haien titularitatearen egiazko denborari egokituko zaio.

Xedapen gehigarri lehena. Ogasuneko zuzendari nagusia gaitzea.

Ogasuneko zuzendari nagusia gaiturik geratzen da foru agindu honetan jasotakoa gauzatu eta betetzeko behar diren xedapen edo jarraibideak eman ditzan.

Bigarren xedapen gehigarria. Lurralde erregistroan inskribatzea eta bertatik kentzea, txikizkako identifikazio kodearen ondorioetarako.

1. Gipuzkoako lurralde historikoan kokatutako establezimenduen titularrek beren establezimendua Ogasun eta Finantza Departamentuaren erregistroan inskribatuta izan behariko dute, baldin eta gasolioa saltzeko eragiketarako egiten badituzte eta eragiketa horien eskuratzailak Zerga Berezien abenduaren 28ko 38/1992 Legearen 52 bis artikuluan onartutako itzulketa eskubidea aplikatu badezake.

Horretarako, eskuratzailak inskripzio eskaera bat aurkeztuko dute organo eskuduneari, eta bertan honako hauek jasoko dira:

— Interesdunaren eta, hala badagokio, ordezkariaren izen-abizenak edo sozietate izena, egoitza fiskala eta identifikazio fiskaleko zenbakia, ordezkariak egiaztatzen duen dokumentazioarekin batera.

— Establezimenduen mota eta haiek kokatuta dauden lekua, betiere helbidea eta udalerria adierazita.

— Behin inskripzioa eginez gero, organo eskudunak inskripzioa egiaztatzen duen txartel bat emango dio interesdunari, esleitutako txikizkako identifikazio kodea (TSK) adierazita.

2. Inskribatutako establezimenduek jardura uzten dutenean, beren titularrak Ogasun eta Finantza Departamentuari hura jakinaraziko dio, establezimenduari dagokion erregistroan baja eman aurreko izapide gisa. Enpresaburu, profesional eta atxikizailleen erroldan baja emateko eskaera aurkezteak aipatutako erregistroan baja emateko eskaeraren ondorio berberak izango ditu, baja hori eskatu dutenen titulartasuneko establezimenduei dagokienez.

Xedapen indargabetzailea.

Indargabetuta gelditzen dira foru agindu honetan xedatutakoaren aurkakoak diren maila bereko edo beheagoko xedapen guztiak, eta, bereziki, urtarrilaren 22ko 35/2007 Foru Agindua, Hidrokarburoen gaineko Zerga eta Zenbait Hidrokarburoren Txikizkako Salmentaren gaineko Zergaren tasa autonomikoa aplikatzeari dagozkion kuotak partzialki itzultzeko prozedura ezartzen duena eta martxoaren 3ko 20/1998 Foru Dekretuan jasotako nomenklatura konbinatuko kodeen erreferentziak eguneratzen dituena.

Amaierako xedapen bakarra. Indarrean jartzea.

Foru agindu hau Gipuzkoako ALDIZKARI OFIZIALEAN argitaratu eta biharamunean jarriko da indarrean, eta 2022ko apirilaren 1etik aurrera izango ditu ondorioak.

Donostia, 2022ko maiatzaren 3a.—Ogasun eta Finantza Departamentuko foru diputatua. (2777)

